

## Риёзус солиҳийн шарҳи / Риёзус солиҳийн шарҳи / 784-ҳадис

784 - وَعَنْ أَنَسٍ رَضِيَ اللَّهُ عَنْهُ، عَنِ النَّبِيِّ صَلَّى اللَّهُ عَلَيْهِ وَسَلَّمَ: أَنَّهُ تَهَى أَنْ يَشْرَبَ الرَّجُلُ قَائِمًا.  
قَالَ قَتَادَةُ: فَعُلْنَا لِأَنَسٍ: فَالْأَكْلُ؟ قَالَ: ذَلِكَ أَشْرُّ أَوْ أَحَبُّ. رَوَاهُ مُسْلِمٌ [2024/113].

وَفِي رِوَايَةٍ لَهُ: أَنَّ النَّبِيَّ صَلَّى اللَّهُ عَلَيْهِ وَسَلَّمَ زَجَرَ عَنِ الشُّرْبِ قَائِمًا [2024].

784. Анас розияллоху анхудан ривоят қилинади:

«Набий соллалоху алайҳи васаллам кишини тик туриб ичишдан қайтардилар».

(Ровий) Қатода айтади: Биз Анасга: «(Тик туриб) ейиш-чи?» деган эдик, у: «Бу ундан ҳам ёмонроқ» ёки «ёқимсизроқ», деди».

*Имом Муслим ривояти.*

Имом Муслимнинг бошқа ривоятида: «Набий соллалоху алайҳи васаллам тик туриб ичишдан зажр қилдилар», бўлиб келган.

**Шарҳ:** Уламо аҳли ичимликни тик туриб ёки ўтириб ичиш ҳақида келган ривоятларнинг ҳаммасини жамлаб, таққослаб, бошқа сабабларини ҳам топиб ўрганиб чиққанларидан кейин ўтириб ичиш мустаҳабдир, тик туриб ичиш эса, баъзи вақтларда жоиздир, деганлар.

Бу ерда зажр қилдилар деганда, ҳаром қилинди маъносида эмас, балки баъзи вақтларда жоиз деган маънодадир.



HADIS.ISLOM.UZ  
NUBUVVAT MARVARIDLARI